

N/R:

Br.protokola: 17/10

PREDMET: OBAVIJEST O ODRŽAVANJU JAVNE DEBATE

POZIV ZA ŠESTU JAVNU DEBATU

-Počinioci i žrtve krivičnih djela su naša djeca-Spriječimo maloljetničko prestupništvo-

5.02.2010.godine(petak), dvije godine nakon ubistva Denisa Mrnjavca, će biti održana Šesta javna debata koja za cilj ima: Nadgledanje i analizu realizacije obećanih aktivnosti i planova za iznalaženjem rješenja problema maloljetničke delikvencije. Javna debata će se održati u **UNITIC Biznis Centru, sa početkom u 12:00 sati.**

Želimo istaći da ovom debatom organizator ne želi omalovažavati niti jednu instancu vlasti ili nevladin sektor, već je cilj pronaći i uspostaviti jasnu vezu između građana i institucija vlasti. Kroz argumentiran i uređen dijalog, te uz pomoć jasnih izvještaja o radu odgovornih vladinih institucija želimo omogućiti analizu i monitoring do sada postignutog. U skladu sa brojnim akcionim planovima, obećanjima, zaključcima i saopštenjima nastalim u protekle dvije godine, od prve pa do šeste javne debate, šestom javnom debatom će se pokušati predočiti sukses dešavanja, realizovanih planova i akcija, ali i neispunjenih obećanja.

Poseban akcent će se staviti na analizu obećanih-realizovanih aktivnosti i planova koji se odnose na sljedećih devet oblasti koje će biti multimedijalno prezentirane: **pravosuđe** (Ministarstvo pravde FBiH) ,**bezbijednost** (Ministarstvo unutrašnjih poslova Kantona Sarajevo, Ministarstvo unutrašnjih poslova FBiH, Ministarstvo sigurnosti BiH), **obrazovanje**(Ministarstvo obrazovanja i nauke Kantona Sarajevo, Ministarstvo obrazovanja i nauke FBiH),**nevladine organizacije**,**Ministarstvo ljudskih prava i izbjeglica BiH** i **Koordinacijsko tijelo za implementaciju strategije protiv maloljetničkog prestupništva, Vlada Kantona Sarajevo, Grad Sarajevo, Ministarstvo civilnih poslova te mediji.**

Iskreno se nadamo da ćete prepoznati značaj ove javne debate i da ćete Vašim prisustvom doprinijeti njenom kvalitetu i cilju, zbog svih građana BiH, svih žrtava nasilja u ovoj zemlji, Vaše moralne i političke odgovornosti, ali i razvoja demokratskih načela, jer ćemo samo aktivnim angažmanom biti u mogućnosti uticati na vlast, građansku svijest, nevladine organizacije. Pokažimo da nismo zaboravili, da imamo želju za izgradnjom zdravog društva i zaštite naše djece i generacija koje dolaze. Jer **počinitelji i žrtve krivičnih djela su naša djeca-spriječimo maloljetničko prestupništvo.**

Imamo u vidu da je ovo predizborna godina, da će mnoge političke partije u svojim političkim kampanjama spominjati ovaj problem i koristiti ga kako bi došli do željenih glasova koji im omogućavaju vlast, međutim cilj organizatora ove javne debate je izvršiti analizu obećanog-učinjenog, te tako izvršiti pritisak na vlasti da sprovedu planirano.

Srdačan pozdrav,

Sarajevo,01.02.2010.

Sanja Vlasisavljević
Izvršni direktor
Centar za kulturu dijaloga
Augusta Brauna 6, 71000 Sarajevo
Tel/fax: +387 33 203 668
+387 33 208 370
e-mail: sanja.vlaisavljevic@ckdbih.com
web: www.ckdbih.com